

## **MINORITY SHAREHOLDER WATCHDOG GROUP**

BADAN PENGAWAS PEMEGANG SAHAM MINORITI BERHAD  
(Incorporated in Malaysia - Company No. 524989-M)

BH – Bisnes – Selasa, 7 Oktober 2014 (A)

# **GST kurangkan defisit fiskal**

» *Bajet 2015 dijangka kekal pematuhan secara berdisiplin*



**RITA BENOY  
BUSHON**

**B**ajet 2015 yang akan dibentangkan Perdana Menteri Datuk Seri Najib Razak pada minggu ini, dijangka mengekalkan pematuhan secara berdisiplin terhadap pengukuhan fiskal, termasuk pelbagai langkah mengurangkan hutang kerajaan.

Selepas pelaksanaannya ditangguhan beberapa kali sebelum ini, kita kini akan melihat pelaksanaan Cukai Barang dan Perkhidmatan (GST).

Cukai itu akan meluaskan asas cukai negara dan ini diharapkan dapat mengurangkan defisit fiskal ke tahap yang lebih rendah.

Seperti kita semua maklum, kerajaan menyasarkan untuk mengimbangi bajet negara menjelang tahun 2020, hanya enam tahun sahaja dari sekarang.

### **Kekal kedudukan**

Dalam hal berasingan, Malaysia mengekalkan kedudukan keempat daripada 10 buah negara dalam laporan ACGA-CLSA CG Watch 2014.

Laporan itu menyatakan Malaysia satu-satunya negara yang memperbaiki skor secara konsisten daripada 49 peratus pada tahun 1997 kepada 58 peratus pada tahun ini.

Penambahbaikan ini disebabkan khususnya oleh gabungan usaha diterajui kerajaan seperti pelaksanaan Rangka Tindakan Tadbir Urus Korporat 2011, langkah menggalakkan pelabur institusi domestik mengamalkan tadbir urus korporat dengan lebih serius melalui Kod Pelabur Institusi Malaysia dan juga penubuhan Lembaga Pemantauan Audit bebas.

Laporan berkenaan juga mengenal pasti beberapa aspek budaya tadbir urus korporat

yang lebih baik melalui pembangunan Kod Pelabur Institusi, pengundian secara sukarela dalam sebilangan syarikat dan komunikasi syarikat tersenarai yang lebih baik.

Laporan itu turut mengeengahkan bahawa rantau Asia secara amnya sering terjerumus dalam kancang politik, menjadikan sebarang perubahan perundangan sukar dilaksanakan dan memerlukan sokongan kerajaan yang kukuh, namun kebiasaannya ia tidak mudah diperoleh.

Suruhanjaya sekuriti di rantau ini kini melaksanakan pernguatuasaan secara serius, namun aspek penzahiran masih boleh diperbaiki lagi.

### **Konflik kepentingan**

Laporan terbabit turut mengeengahkan konflik kepentingan dalam peranan bursa saham.

Hak pemegang saham dalam pasaran yang berbeza dikatakan lemah, terutama berkaitan isu pengambilahan dan transaksi pihak berkaitan.

CG Watch 2014 melaporkan Malaysia yang mempromosikan tanggungjawab sosial korporat (CSR) terawal berbanding pasaran Asia yang lain, bagaimanapun, pelaksanaannya terhenti pada aspek laporan kewangan sahaja.

Laporan itu mencadangkan supaya syarikat senarai awam Malaysia menzahirkan maklumat yang lebih terperinci dan menjelaskannya dalam agenda mesyuarat agung tahunan (AGM).

Tambahan pula, ia sepatutnya memberikan maklumat mengenai jenis perkhidmatan yang diberikan di bawah kategori yuran bukan audit.

Akhir sekali, laporan itu turut menyatakan beberapa perkara yang boleh menurunkan kedudukan Malaysia dalam pernafasan pada masa hadapan jika tidak diberi perhatian.

Pertama, jika pengundian secara tangan dalam AGM/EGM masih berterusan dan kedua, jika pelaksanaan Kod Pelabur Institusi Malaysia adalah lemah.

### **Penulis**

ialah bekas Ketua Eksekutif Badan Pengawas Pemegang Saham Minoriti Bhd (MSWG)